

Nunatsinni ilaqtariinnut atugassarititaasut pitsanngorsarnissaat siunertaralugu Naalackersuisut iliuusissatut pilersaarummik suliaqaqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq, Paarma Lund Kreutzmann, Inuit Ataqatigiit)

Akissuteqaat

(Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalackersuisoq)

Siullermeerneqarnera

Inatsisartuni ilaasortamut, Paarma Lund Kreutzmannimut, Inuit Ataqatigiit, matumunnga qulequttamik pingaarutilimmik aalajangiiffissatut siunnersuuteqarsimaneranut qujavugut.

Nunatsinni ilaqtariittut inuuneq immikkuullarissuummat Naalackersuisut isumaqatigaat. Nunatsinni inunngortartut ikiliartorput, taamaammallu pingaaruteqarpoq ilaqtariinni atugassarititaasut pitsanngorsarniarlugit anguniagaqarluta suleqatigiinnissarput. Periuserineqartoq angajoqqaanut atugassarititaasunik ajornerulersitsissanngilaq imaluunniit angajoqqaannornissamat kajumissutsimik peersissanngilaq. Taamaattumik siunnersuut manna pingaaruteqarpoq.

Naalackersuisut tassunga atatillugu maluginiaqqaat ernereermermi atugassarititaasut meeqqallu napparsimaqqaanera ataatsimiinnermi matumani immikkoortuni allani oqaluuserineqareersimammata.

Ernereermermi atugassarititanut tunngatillugu tamanna Naartunermut, erninermut meeravissiararnermullu atatillugu sulinnigiffeqartarneq pillugu Inatsisartut inatsisaata allannngortinnera pillugu immikkoortoq 169-imi oqaluuserineqareersimavoq.

Taamatuttaaq meeqqap napparsimaqqaanera pillugu apeqqut immikkoortoq 149-p ataani oqaluuserineqassaaq, tassanilu ilumut meeqqap napparsimaqqaarnissaanut pisinnaatitaaffiup annertunerulernissaanut nassuiaammik suliaqartoqassanersoq paasinianeqassaaq.

Naalackersuisut angajoqqaat pitsaasunik atugassaqtarinnissaat qulakkeerniarlugu sulilereersimapput. Sulinermilu immikkut MANU siusissukkullu iliuuseqarnerit attuumassutillit suliniutissallu pingaarutillit sammineqarput. Taamaakkaluartoq nunatsinni ilaqtariit ikiorniarlugit sulinerusariaqarpugut. Taamaammatt Naalackersuisut kissaatigaat suleqatigiissitamik arlalinnik suliaqartussamik pilersitsisoqassasoq, taannalu sulissaqarfimmi iliuusissatut pilersaarummik peqqissaarussamik isumalimmillu suliaqassaaq.

Taamaammatt iliuusissatut pilersaarummik Nunatsinni ilaqtariit atugassarititaannik pitsanngorsaanissamik siunertaqartumik suliaqartoqarnissaa pillugu Inatsisartut aalajangiiffigisassaattut siunnersuut akuerisinnaavaat.

Akerlianik iliuusissatut pilersaarummi ilaqtariinni atugassarititaasut ataatsimut pitsanngorsaaffiginissaat qitiutinneqassaaq, assinganillu inuit amerlanerit meerartaarusulernissaannut kaammattuutaassalluni. Tamanna suliniutissanik ulluunerani paaqqinnittarfinni sulisunut amigaataasunut perorsaanermullu ilitersuisarnernut sammititanik kinguneqartussaassaaq, tamakkualu angajoqqaanut akisussaassusermik utertisisussaassapput. Ilanngullugulu iliuusissatut pilersaarummi aningaasarsiornikkut unammilligassanut

illoqarfinni inoqarfinnilu mikinerusuni angajoqqaajunermut tunngassutilinnut
isummersortoqassaaq.

Taamatut oqaaseqarluta aalajangiiffigisassatut siunnersuutip akuersissutigineqarnissaa
inassutigaaarput.

Qujanaq